



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400; 726 412
fax. +387 33 726 423
e – mail: info@voda.ba

Broj: **UP-1/21-1-40-382-12/22**

Datum: **23.12.2022. godine**

«Agencija za vodno područje rijeke Save» Sarajevo, rješavajući po zahtjevu Općine Ilidža, za izdavanje prethodne vodne saglasnosti za rekonstrukciju pješačkog mosta preko rijeke Bosne između naselja Otes i Osjek, općina Ilidža, na osnovu člana 109. stav 1. tačka 10. Zakona o vodama («Službene novine Federacije BiH» broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 49/99 i 61/22) **d o n o s i**

R J E Š E N J E
o prethodnoj vodnoj saglasnosti

1. Podnosiocu zahtjeva, Općini Ilidža, Službi za razvoj, komunalne poslove i puteve, daje se prethodna vodna saglasnost za rekonstrukciju pješačkog mosta preko rijeke Bosne između naselja Otes i Osjek, na parcelama označenim kao k.č. broj: 1686/15 K.O. Osijek, općina Ilidža, a u postupku pribavljanja urbanističke saglasnosti.
2. Prethodna vodna saglasnost se daje na osnovu pregleda dostavljene projektne i druge dokumentacije i pod sljedećim uslovima:
 - 2.1 Izraditi i revidovati investiciono-tehničku dokumentaciju predmetnog objekta iz tačke 1. ovog Rješenja na nivou potrebnom za pribavljanje dozvole za građenje u skladu sa propisima koji važe za ovu vrstu radova.
 - 2.2 Da je lokacija mosta usaglašena sa važećom prostorno planskom dokumentacijom za predmetno područje, a što će se potvrditi urbanističkom saglasnošću.
 - 2.3 Obalni upornjaci mosta, u odnosu na prirodni poprečni profil regulisanog korita rijeke Bosne, trebaju imati takav položaj da ne smanjuju proticajni profil korita i ne narušavaju stabilnost i funkciju izgrađenih objekata za zaštitu od poplava na mjestu prelaska preko vodotoka.
 - 2.4 Sa vodoprivrednog aspekta najniža kota donje ivice konstrukcije mosta, u polju i na osloncima, treba da bude viša za minimalno 80 cm računajući i proračunati uspor u odnosu na kotu velike vode rijeke Bosne ranga pojave 1/100 godina.
 - 2.5 Izvesti geotehničke istražne radove na lokacijama mostovskih stubova i oporaca koji su predviđeni da se izvode u vodnom dobru rijeke Bosne i izraditi elaborat o inženjerskogeološkim i geomehaničkim istraživanjima i ispitivanjima tla. Na osnovu rezultata ispitivanja i istraživanja tla u koritu, izvršiti provjeru geološko-geomehaničkih karakteristika tla na koje je most dimenzioniran, kao i način fundiranja konstrukcije mosta.
 - 2.6 Sastavni dio investiciono - tehničke dokumentacije za izgradnju mosta treba biti i Elaborat/projekat u kojem će se provesti hidraulički proračun propusne moći projektovanog otvora mosta, odrediti nivo stogodišnje velike vode na lokaciji mosta sa uzimajući u obzir rezultate proračuna uspora izazvanog smanjenjem proticajnog profila usljed mostovske konstrukcije.
 - 2.7 Proračuni i rješenja za propusnu moć i određivanje minimalne kote donje ivice konstrukcije mosta u Investiciono-tehničkoj dokumentaciji trebaju biti urađeni od strane ovlaštenog pravnog lica sa „liste A” Federalnog ministarstva poljoprivrede, vodoprivrede i šumarstva, a prema članu 5. stav (2) Pravilnika o uvjetima i kriterijima koje mora zadovoljiti pravno lice za izradu dokumentacije na osnovu koje se izdaju vodni akti («Službene novine Federacije BiH», broj 31/15, 55/19, 41/20 i 63/22).
 - 2.8 Projektom dokumentacijom definisati organizaciju i tehnologiju izvođenja radova na izgradnji novog mosta kojom će se moguće štete u koritu i na obalama rijeke Bosne, odnosno moguće štetne promjene režima voda svesti na najmanju moguću mjeru.
 - 2.9 Predmjerom radova predvidjeti i radove na uklanjanju svih pomoćnih objekata i radove na čišćenju i uređenju korita i obala po završetku izgradnje mosta, uređenju korita r. Bosne u zoni obalnih upornjaka mosta, odvodnja oborinskih voda i dr.

- 2.10 Pri izradi projektne dokumentacije pažnju posvetiti na položaj postojećih instalacija (vodovodne, kanalizacione, elektro, PTT i dr.) te dati tehničko rješenje za ukrštanje ili izmještanje istih.
- 2.11 Sagledati sve moguće neželjene uticaje na planirani objekat i planiranog objekta na druge objekte i postrojenja, stečena prava korisnika, postojeću infrastrukturu, naselja i slično, te dati prijedlog mjera za sprječavanje tih uticaja u toku izgradnje i korištenja mosta uključujući i standardne i dodatne mjere zaštite.
3. Po izradi investiciono-tehničke dokumentacije, u skladu sa uslovima iz tačke 2. dispozitiva ovog Rješenja, korisnik prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti.
4. Zahtjev za izdavanje vodne saglasnosti dostavlja se u skladu sa članom 8. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22).

Uz zahtjev se, između ostalog, prilaže:

- 4.1 Revidovana Investiciono-tehnička dokumentacija (glavni projekat), u skladu sa uslovima navedenim u tački 2. ovog Rješenja.
- 4.2 Elaborat/projekat u kojem će se provesti hidraulički proračun propusne moći projektovanog otvora mosta, odrediti nivo stogodišnje velike vode na lokaciji mosta sa proračunom uspora uslijed mostovske konstrukcije te minimalnu kotu donje ivice mosta uz potrebno nadvišenje od 0,80m.
- 4.3 Rješenje o urbanističkoj saglasnosti i okolinskoj dozvoli.
- 4.4 Dokaz o izvršenoj uplati upravne takse u iznosu od 60 KM.
5. Ovu prethodnu vodnu saglasnost će Investitor koristiti u postupku dobijanja urbanističke saglasnosti i okolinske dozvole i ona definiše uslove koje projektna dokumentacija treba ispuniti sa aspekta voda u skladu sa Zakonom o vodama.
6. Prethodna vodna saglasnost se daje sa rokom važenja od 3 (tri) godine od dana pravosnažnosti ovog rješenja, u skladu sa članom 111. stav 3. Zakona o vodama.
7. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavijestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
8. Ova prethodna vodna saglasnost se može izmijeniti ukoliko nastupe razlozi utvrđeni u članu 130. stav 1. tačka (1)., (2)., (3). ili (4). Zakona o vodama («Službene novine Federacije BiH», broj 70/06), a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Podnosilac zahtjeva, Općina Ilidža, Služba za razvoj, komunalne poslove i puteve, je dana 28.07.2022. godine, podnijela zahtjev broj: 12-201/22-9 za donošenje rješenja o prethodnoj vodnoj saglasnosti za rekonstrukciju pješačkog mosta preko rijeke Bosne između naselja Otes i Osjek, na parceli označenoj kao k.č. broj: 1686/15 K.O. Osijek u naselju Otes i Osjek, općina Ilidža.

Uz zahtjev je dostavljena i pregledana slijedeća dokumentacija:

- Ovjerena kopija Uvjerenja o poreznoj registraciji - Jedinstveni općinski organ uprave Općine Ilidža – Općinski načelnik, Ilidža, izdatog od strane Porezne uprave FBiH – Kantonalni ured Sarajevo, od 15.01.2021. godine,
- Kopija Lokacije objekta broj: 03-19-5219/20 izdatog dana 02.11.2021. godine, od strane Službe za prostorno uređenje općine Ilidža,
- Kopija Rješenja o urbanističkoj saglasnosti broj: 03-19-5219/20 izdatog dana 08.11.2021. godine, od strane Službe za prostorno uređenje općine Ilidža,
- Kopija katastarskog plana R 1:2500, za parcelu k.č. broj: 1686/15, K.O. Osijek, izdato dana 07.07.2022. godine od strane Službe za imovinsko pravne, stambene, geodetske poslove i katastar nekretnina, Općina Ilidža (kopija),

- Zemljišnoknjižni izvadak broj: 065-0-NAR-22-062 591, zk uložak broj: 123 K.O. SP_Donji Butmir, izdato od strane Općinskog suda u Sarajevu, 05.07.2022. godine (kopija),
- „Elaborat za vodne akte“, urađen od strane «RADIS» d.o.o. Istočno Sarajevo, juni 2022. godine.
- Dokazi o uplati upravne takse u iznosu od 80,00 KM.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav 1. Zakona o vodama («Službene novine Federacije BiH», broj: 70/06) o zahtjevu je dana 03.08.2022. godine obaviještena javnost putem obavještenja na oglasnoj ploči «Agencije za vodno područje rijeke Save» Sarajevo i 05.08.2022. godine u dnevnom listu „OSLOBOĐENJE“. U datom roku nije bilo pisanih izjašnjenja o predloženim aktivnostima iz zahtjeva.

Nakon izvršenog uvida u priloženu dokumentaciju utvrđeno je da dostavljeni Elaborat treba dopuniti te je dopisom broj: UP-1/21-1-40-382-6/22 od 30.09.2022. godine u kojem je zatraženo od podnosioca zahtjeva da isti upotpuni u roku od 20 (dvadeset) dana od dana urednog prijema dostavljene obavijesti.

Dana 24.10.2022. godine, podnosioc zahtjeva je uz dopis broj: 12-1479/22 dostavio zahtjev za produženje roka za dopunu podneska za dodatnih 20 dana što je i odobreno dopisom broj: UP-1/21-1-40-382-8/22 od 25.10.2022. godine.

Dana 09.11.2022. godine, podnosioc zahtjeva je uz dopis broj: 12-1598/22 dostavio traženu dopunu podneska.

Uvidom u dostavljenu dopunu dokumentacije: „Elaborat za vodne akte“, urađen od strane „Radis“ d.o.o. Istočno Sarajevo, utvrđeno je da isti nije urađen u skladu sa zahtjevima iz dopisa UP-1/21-1-40-382-6/22 od 30.09.2022. godine, te je dopisom broj: UP-1/21-1-40-382-10/22 od 14.11.2022. godine zatraženo od podnosioca zahtjeva da isti upotpuni u roku od 15 (petnaest) dana od dana urednog prijema dostavljene obavijesti. Dana 01.12.2022. godine, podnosioc zahtjeva je uz dopis broj: 12-1696/22 dostavio traženu dopunu podneska.

Na osnovu uvida u dostavljenu dokumentaciju utvrđeno je slijedeće:

Planirana je rekonstrukcija postojećeg pješačkog mosta koji povezuje naselja Osjek i Otes. Općina Ilidža je za potrebe pribavljanja prethodne vodne saglasnosti naručila izradu Elaborata za vodne akte od pravnog lica «Radis» d.o.o. Istočno Sarajevo.

Most je projektovan kao kontinuirani AB gredni nosač „PI“ oblika, dužine rasponske konstrukcije $L=18,80+23,50+18,80\text{m}$. Korisna širina mosta iznosi 4,50m.

Projektant je od strane AVP Sava preuzeo podatke o velikim vodama na predmetnom području i to $Q_{1/100}=288,76\text{ m}^3/\text{s}$ i $H_{1/100}=489,36\text{ m n. m.}$.

Kroz dostavljeni Elaborat je utvrđeno da kota donje ivice konstrukcije mosta mora iznositi minimalno 490,28 m n. m., gdje je uobziren uspor usljed mostovske konstrukcije i potrebno nadvišenje od min 0,80m iznad linije dopiranja velikih voda. Na osnovu tako određene najniže tačke nivelete mosta, planirani most je potrebno uklopiti u okolni teren, zajedno sa pristupnim pješačkim stazama.

Nakon uvida u dostavljenu dokumentaciju, utvrđeno je da, shodno članu 7. i članu 12. stav (1) tačka 1. Zakona o vodama, sa aspekta sektora voda ne postoje smetnje da se Općini Ilidža izda prethodna vodna saglasnost za izgradnju mosta preko rijeke Bosne između naselju Osjek i Otes, pod određenim uslovima.

Uslovi, koji se trebaju ispoštovati prilikom izrade projektne dokumentacije, a koja je potrebna u postupku pribavljanja vodne saglasnosti i odobrenja za građenje, definisani su u dispozitivu ovog rješenja u skladu sa odredbama Zakona o vodama i Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22).

Podnosilac zahtjeva je uplatio upravnu taksu u iznosu od 80 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).


UPUTA O PRAVNOM LIJEKU:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja. Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife Federalnih administrativnih taksi.

Voditelj postupka

Nihad Pezo, dipl.inž.građ.

**Po ovlaštenju
Rukovodilac sektora za izdavanje
vodnih akata**


Haris Ališehović, dipl.inž.građ.

Dostaviti:

- Općina Ilidža, Butmirska cesta br. 12, 71210 Ilidža
- AVP Sava, ISV - vodna knjiga - ovdje
- ⊖ Arhiva - ovdje
- Oglasna ploča AVP Sava